

皇清書史卷二十六

義州李放陶鄰纂錄

上聲 二十二養 蔣

蔣

蔣允睿字聖思一字瞻武宜興人明諸生參議如奇子

陳維崧曰善書法與其父磐初先生有二王之目

湖海樓集

蔣超字綏和號虎臣一號綏庵別號無嗔道人又號華陽山人金

壇人順治四年第三人及第官修撰告歸入峩眉山以終

施閏章曰酷嗜書法見人屏壁間一字可喜必句勒藏之心摹手

追於晉唐行楷得其筆意

尤侗曰語云善書者不擇筆不可爲訓智永以禿筆作家蔣虎臣

每過書齋揀禿筆袖去灑墨作書予嘗笑之然其書如蒼松古柏

又當別論

良齋賣說

書法得晉唐行楷筆意

錦里新編

國初沈繹堂蔣虎臣齊名沈書傳者多而蔣不多見

茶餘客話

蔣宗璽字玉峰工篆隸

宜興縣志

蔣瑛字懋旃號文河吳郡西洞庭山人康熙二十四年拔貢官候

選知縣書法彷彿趙董

李紱穆堂集

蔣仁錫字靜山臨汾人居京師康熙四十八年進士官禮部主事

張大受曰精書法

匠門書屋集

蔣繼軾字蜀瞻號西圃甘泉人

按江蘇詩徵作江都人

康熙五十二年進士官

編修工書法

甘泉縣志

蔣典字于學號季虎宣城人康熙六十年歲貢工書名擅一時

宛雅

蔣于京字敏士常熟人善書

蘇州府志

蔣夢蘭字芳似號香山金壇人吳縣籍諸生書法瘦硬蠅頭小楷率

皆懸臂書之

吳縣志

蔣兆鯉字龍門舒城庠生善書

廬州府志

蔣其昌臨淮人善行草

安徽通志

蔣振鷺字子羽雍正二年進士官翰林精八法

嘉善縣志

按一作平湖人

蔣

衡字湘帆

一作蔡

改名振生號新山一號拙存晚號拙老人亦稱

山潭老布衣又稱再生人超從子欽賜國子監學正銜

楊賓曰湘帆十五歲從予學書今小楷冠絕一時予不及也

大瓢偶筆

余集撰傳云吳中書家推大瓢山人楊賓先生師之而博涉晉唐

以來名家之跡積學既久名噪大江南北同時王吏部澍極推重

之有拙存堂臨帖二十八卷爲帖三百六十六種又續臨若干卷

其他手跡甚夥具詳所著臨帖目錄書後篇先生書宗歐柳尤善

擘窠大字名擅一時碑版照耀四裔年五十六歲時矢志書十三

經共八十餘萬言閱十二年而訖事南河河道總督高斌特疏進

呈奉旨以墨刻頒行天下授銜國子監學正當寫經時以恩貢選英山教諭又舉鴻博皆力辭不赴其專精如此

拙存善讀書工書法嘗入秦摩挲碑洞諸石刻慨然曰十三經皆當時經生所書非歐虞筆也中有舛謬且殘缺當今聖天子崇儒重道必校正一手重書庶佐文明之治遂矢志鍵關歷一紀書十三經成奏呈御覽藏懋勤殿閱五十年乾隆壬子上命刊石列辟應御製序文以傳萬世先生初以寫經故蒙恩授國子監學正未

就年七十卒

梁溪詩徵

盧見曾曰拙存書與良常王太史澍齊名而每自謂過之

應讓曰湘帆寫十三經於揚州興教寺奉旨刻石太學洵榮遇也

蔣師淵字星泉衡從弟工篆書及鈎櫚法帖爲王良常高足

木葉頤法書記

善篆書

拙存堂帖跋

蔣季潤更名潤字桂宮一作桂工號青隅吳縣人

韓騏哭蔣青隅詩序云潛心篆隸周秦以下金石文字無不搜討而詳辨之每得拓本閉戶臨仿匝月無不神肖鐫刻印章直追秦漢不論金晶玉石輒利及深入如喬松翠柏絕無桃李柔媚之習得者奉爲至寶

補瓢文稿

蔣琦字素園陽湖人乾隆九年舉人官德興知縣

洪亮吉曰工楷法

外家紀聞

蔣樹誠字實君琦兄弟行國子監生

實君素園兩舅氏皆工楷法三十內所鈔書籍幾至百種皆藏於

家

外家紀聞

蔣延寧字于璜琦兄弟行

舅氏中工書以先生爲最繕箋奏九工

同上

蔣士銓字定甫號苔生一號心餘又號清容鉛山人乾隆二十二年

進士官編修

袁枚曰晚年雖病廢而神明不衰左手作字橫斜入古

蔣仙根字蟠漪一字奕蘭長洲貢生官同知

袁枚曰善書法

小倉山房詩鈔

王昶曰以工書聞於時

春融堂集

王鳴盛曰亦好事善書所居桃花塢林亭幽靚四方君子過吳者

必造焉

西莊始存稿

蔣齊耀字敬五陽湖人官海澄縣丞有書名

武陽合志

工書

外家紀聞

趙懷王曰工書

蔣重耀字星次齊耀弟乾隆三十三年副貢官錢塘知縣

工書

外家紀聞

蔣騏昌字雲翔號瑩溪武進人官漢陽通判能書著篆隸偏傍考

趙懷

蔣寶善字定安陽湖人

成童時作書即酷似二王

外家紀聞

蔣知廉字用恥士銓子乾隆四十二年拔貢官臨清州同知工作書

惜抱軒集

蔣祥墀字盈堦號丹林天門人乾隆五十五年進士官吏部尙書書

法歐虞

書畫過目攷

蔣仁原名泰字階明

一作平

後得古銅印有蔣仁字遂改今名字山

堂別號吉羅居士一稱女牀山民仁和人

工書楷法在鍾元常索幼安之間善鐵筆以漢人爲宗人得片名

寸楮珍若拱璧

西泠懷古集

彭紹升曰山堂書品甚高予見其爲友人所作扇頭書心醉累日因藉介索得山堂書肇論二篇予以天真野逸評之蓋節取杜子美贈李太白語也昔亡友陸佩鳴善評書或問當代擅名書家者

誰爲第一流佩鳴曰擅名者都無第一流老死深山古巷中者或

有之如山堂非其人邪

二林居集

生平書最精由南宮上窺二王參以孫過庭顏平原楊少師遇興

到時若以墨瀋傾紙不能辨字人益重之有某中丞乞書堅不應

後某以賄敗咸服其高識

葉廷琯漁話

放按某中丞當是王亶望

郭麐曰山堂精研八法古雅絕倫

又曰書法篆刻妙絕一時而不以爲名

吳德旋曰近人之書劉諸城渾厚淳實自足名家而仁和蔣山堂書古秀在骨如以墨汁傾紙上又時似枯藤挂壁思翁暮年神理也世人於筆法墨法皆所不講而務求勻稱見此等妙蹟鮮不嗤怪有志之士所以窮老盡氣於荒江老屋中惟求有以自信而不肯輕爲人應酬筆墨也

又曰山堂以善書名浙中初學米元章繼以淳化閣二王帖晚宗孫過庭及顏平原又往往兼楊少師風格每作書如以墨瀋傾紙上至不能辨間架然人益重之

工篆刻而行楷書尤佳絕不趨俗媚彭進士紹升推爲當代第一郭頻伽論書詩中頻羅早達吉羅窮一首亦大爲山堂吐氣也

杭郡

詩輯

邵志純曰工篆刻尤善書法

性孤冷寡言笑善書工鐵筆阿雨窗運使重其人延之入署偶書

蘇句白髮蒼顏五十三遂病辭歸沒年適符其數

墨林今話

梁山舟晚年專用羊毫蔣山堂亦用羊毫即小楷亦由之轉健

前塵

夢影錄

予藏山堂行書八言楹帖蒼古秀逸真有枯藤挂壁之勢乾隆一朝韋布之書當以山堂爲第一安吳書品不登其名何耶

木葉跋法書記

蔣宏銘字思聲宜興國子生書法歐顏一時碑碣皆出其手

書畫家筆錄

蔣泰字秋坪宜興諸生書工歐陽率更體嘗背臨醴泉銘十餘本

與元拓絲毫無爽

同上

蔣開字徑三號冰壺海寧人工臨池精篆刻

杭郡詩續輯

蔣次雲字漢階號槎客嘉興監生工書

續梅里詩輯

蔣權字子持號丹山樂安諸生工書

山東通志

蔣嗣曾陽湖諸生精楷法孫淵如重摹宋槧歷代鐘鼎彝器款識法

帖二十卷嗣曾寫釋文嚴可均摹古篆

鬱棲書話

蔣雲寬原名雲官字擷五號收叔永明人嘉慶四年進士官主事能

書

木葉版法書記

蔣名芳字蘭洲遂安諸生工書法

書畫家筆錄

蔣百春字伯華金匱廩貢生工分隸

同上

蔣曰豫字侑

一作友

石陽湖監生官署蔚州知州花翎知府銜候補直

隸州知州

工篆隸書

陽武合志

蔣芝生蘇州人祁刻說文解字汪遠孫校注國語皆其繕寫授梓

竹抱

居檢書記

蔣芳字篆雲舉人官萬載教諭書法宗柳公權挺拔勁健

南昌縣志

蔣樹培字芳原博野人道光十九年舉人官內閣中書精書法宗顏

魯公

畿輔通志

蔣琦齡原名琦淳字申甫號石壽一號月石全州人道光二十年進

士官順天府尹書法學顏柳歐褚諸家後專宗香光筆法

空青水碧齋附

錄行述

蔣梅字琴溪仁和人

鄒栗園贈詩云能飲酒一斗獨工書八分

杭郡詩三輯

蔣士燮字理齋號謁人海寧人

蔣葆炘字壽廬士燮從兄

許澧祥曰並以能書名

蔣學謙字益齋仁和人精篆隸正書兼虞永興顏平原之法溫厚嚴

重如其爲人

杭郡詩三輯

蔣坦字平伯號藹卿錢塘諸生殉粵逆之難

陳繼聰撰傳云工書法

蔣鎔經字硯詒吳縣諸生候選訓導咸豐六

十一作

年罵賊死工書法

得晉人筆意

蘇州府志

蔣世鏞字蓮州歸安恩貢授直隸州州判自喜其書以爲得逸少之

神

陸心源儀顧堂集

蔣堂原名維城號海珊烏程人字學懷素

潯溪詩徵

蔣康圻字子通士燮子諸生

蔣學堅曰先伯父藹人公以書鳴里中兄濡染家學不俟臨摹而

書自工

硤川詩
續抄

蔣師轍字紹由上元人同治十二年拔貢官無爲知州究心小學隸

篆楷書無不工妙

金陵通
傳補遺

蔣師軾字幼瞻師轍兄光緒元年舉人精楷法著有印譜一卷

江寧
續志

蔣錫紳字書箴別號嬰寧居士烏程人光緒五年舉人官內閣中書

嗜金石碑版終日臨摹

潯溪
詩徵

蔣人彥號蓮溪秀水舉人工書法

寒松閣譚
藝瑣錄

二十三梗

景井
炳耿

景

景考祥字履齋江都人汲縣籍康熙五十二年進士官福建轉運使

工書天寧寺榜杏園石額是所書也

揚州畫
舫錄

景星杓字亭北

一作
北亭

號雪農晚號菊公仁和人

書類山谷

桑岐
父集

景 雲字舜卿餘姚人妙究六書精窮八法

兩浙軒輶續錄

景士銓字廷選恩貢生善書法得力於聖教序

元氏縣志

景 暉字春旭漢軍正黃旗生員善書法

文忠公年譜

景 惠字重甫號暢亭博爾古濟特氏滿洲正黃旗人官鞏昌知府

工楷書逼真右軍樂毅論

桂霖撰行述

景其濬字劍泉興義人咸豐二年進士官禮部侍郎工楷法精賞鑑

鬱棲書話

井

井其演字愷一文安人官學博書宗趙董秀健有法

木葉廐法書記

汪啟淑曰以書名於時

炳

炳 咸覺羅氏字集之滿洲人五十後以左耳重聽自號半聾童年

嘗從桐城吳康甫二尹廷康習篆隸識鐘鼎字學篆刻官都察院

筆帖式退居城南龍樹院蒔花養魚時稱高士

清樂堂
隨筆

耿

耿願魯字公望號又樸館陶人康熙九年進士官編修工楷法九歲

學右軍書

蠡尾山
房文

書法尤工人爭寶之

山東
通志

耿於彝字舜中太原庠生書法精妙

寶克勤
遜齋集

耿國藩字湘門長沙上舍生居廣州

張九鉞曰以書擅名嶺南三十年

陶園
集

張維屏曰工書

二十五有

柳鉅

柳

柳芳武進人傭書於新喻縣署能日書一萬字無塗注凡投謁及

詩文詞草稿皆主之後爲狂人所害

惲敬
撰傳

鈕

鈕樹玉字匪石吳縣布衣精小學工小篆及行楷書俱有逸致

木葉
厥法

書記

鈕福保字右申號松泉道光十八年第一人及第官少詹事少工文

詞書法

烏程
縣志

鈕福疇字西農道光十一年拔貢官全椒

一作
舒城

知縣工詞翰

同上

工篆籀鐵筆

紫泥庵
印話

鈕玉庚字潤生山陰人大興籍同治四年進士官侍講學士山東學

政喜肄書楷法工秀得率更松雪兩家筆意

查爾崇
撰家傳

鈕金庚字麗生精小楷汎濫晉唐而以漚波爲歸宿視其弟潤生學

士書較爲近古

石蓮閣
題跋

二十六寢

沈

沈